

HYRDINGEN

NR. 2

April 2011

ÅRGANG 53

Kyrkjeblad for Bjoa, Imsland, Sandeid, Skjold, Vats, Vikebygd, Vikedal og Ølen



Elias Blix – Ei 175-årsmarkering

Av Harald Eintveit

Side 10



Skjold kyrkje har fått eit flott orgel

Innviing og konsert

Side 8

Musikken byggjer opp om Gudsteneste og salmer



God Påske!



HYRDINGEN:

Ansvarleg: Steinar Skartland

Epost: redaksjonen@hyrdingen.no
Bladpengar/gåver til Hyrdingen
på konto: 3243 05 05202
Adr. Skjold kyrkje, Postboks 6,
5574 Skjold
Layout/trykk: A1 Grafisk Idè, Ølen

SOKNEPRESTANE:

Soknepresten i Ølen

Johannes Nedrelid, Eiotunet,
Pb. 60, 5588 Ølen
Tlf. 53 65 65 41 Fa 53 76 72 00
Privat 53 76 86 22
Epost: johannes.nedrelid@
vindafjord.kommune.no
Kontortid: Tys, tor, fre kl. 10-12
ons kl. 12.30-14

Soknepresten i Skjold

Skjold kyrkje, Pb. 6, 5574 Skjold
Tlf. 52 76 73 82 Fa 52 76 73 89
Kontortid. Tys 9-15
Ons og Tor 9-12

Sigrunn Hagen Arnesen
Tlf. 52 76 73 82, mobil 977 52 534
sigrunn.hagen.arnesen@
vindafjord.kommune.no

Martin Ivar Arnesen
Tlf. 52 76 73 85, mobil 980 37 571
Epost: martin.ivar.arnesen@
vindafjord.kommune.no

Soknepresten i Vikedal

Harald Eintveit, Kommunehuset,
Pb. 40, 5583 Vikedal.
Tlf. 53 65 56 17 - Fa 52 76 02 97
Kontortid: Tor 9-15

Forværelse:
Marit Hegrenes tlf. 53 65 56 18

Prostiprest/fengselsprest:
Arild Markussen tlf. 53 65 56 16

Mandag er prestane sin fridag.

Kyrkjeverja i Vindafjord

Inghart Lasse Tveit, Skjold kyrkje
Tlf. 52 76 73 85 / 977 64 146

Soknerådsleiarar:

Imsland: Jolaug Sæle Kaldheim
Vikedal: Herdis Pedersen
Sandeid: Kari Vik Stuhaug
Vats: Arild Urdal
Ølen: Liv Ingunn Heie Medhaug
Bjoa: Trond Ove Alvseike
Vikebygd: Brit Nelly Tveit
Skjold: Elin Frøyland

Prosten har ordet

ved prost Arne O. Øystese



Jesus - Dødens overmann!

Tekst: Matteus 28,1-8

For nokre år sidan, hadde eg ei av mitt livs aller største opplevingar. Saman med ein del kolleger, var vi i Sør Afrika. Denne spesielle dagen bar reisa til Kapp det gode Håp; sydspisen av Afrika. Å stå på det svært fjellplatået og sjå det mektige Atlanterhavet møta Det indiske hav, var eit syn eg seint gløymer.

For om lag 1000 år tilbake visste knapt nokon i vår verdsdel kva som var på den andre sida av Afrikas sydspiss. Alle sjøfarande hadde ein veldig respekt for dette farvatnet. For alltid syntes det å rasa store stormar her. Mange skip hadde med mannskap og offiserar enda sine dagar der i det veldige uværet. Difor hadde sydspissen av Afrika fått namnet "Stormodden".

- På 1500-talet sigla portugisaren Vaco Da Gama forbi "Stormodden". Han kunne seinare fortelja at på den andre sida var det eit veldig hav med stille vatn – sjøvegen til India. Difor vart namnet på Afrikas sydspiss endra til: "Kapp det gode Håp".

- Før Jesus stod opp frå dei døde, var døden - med sine fryktelige følgjer - livets stormodde, kor alle menneske var utan håp. Men i lys av Jesu oppstode frå dei døde, er vår situasjon radikalt endra. Jesus har gjort død til liv for oss! Jesu kross er "stormodden", der han tok all vår synd og skuld på seg, og gjorde den evige død til inkjes. I lys av det Jesus gjorde, er krossen med Jesu oppstode frå dei døde, blitt vårt håp – eit levande håp! For alle dei som trur på Jesus som Frelseren.

Der er ein nøye samanheng mellom

Langfredagens mørke og Påskedagens lys. Langfredag med liding og død gjev ikkje meining utan oppstoda Påskedag. Tilsvarande blir det feil kristent sett å feira Påske som ein fest for livet – utan å ha med kva som er grunnlaget for Jesu oppstode – at han døydd for oss på krossen. Krossen, vårt viktigaste kristne merke, er difor både ein stad der mine synder vart borne opp av Jesus, som sona all mi synd og skuld. Men krossen er også staden som vitnar om at alt er tilgitt. I lys av oppstoda påskedagen, blir difor krossen også vårt sigersmerke – slik dei gamle uttrykte det:

"Ver helsa kross, vår einaste von!"

Difor er det all grunn til å ta fram påskehelsinga, slik apostelen Peter har formulert den: "Lova vere Gud, vår Herre Jesu Kristis Far, Han som i si store miskunn har atterfødd oss til ei levande von ved Jesu Krsitis oppstode frå dei døde!" (1. Peter 1,3). Ei helsing som kom til oss på dåpsdagen vår. Ei helsing som lyder ved kvar gravferd. - Lat denne helsinga bli ord, som du og eg lever i og set vår von til midt i livet med sine mange og skiftande utfordringar.

Salmediktaren Grundvig seier det slik: "Takk for all din fødsels glede, takk for alt ditt guddomsord, takk for dåpens hellig væte takk for nåden på ditt bord. Takk for dødens bitre ved, takk for din oppstandelse, takk for himlen du har inne, der skal jeg deg se og finne." (Norsk Salmebok nr 172, vers 7)

Gledeleg påske!

Arne O. Øystese

Bladpengar for Hyrdingen

Takk til alle som har betalt inn bladpengar for Hyrdingen. Til nå er kome inn ca kr 97.000,- frå 390 av dei som mottok kyrkjebladet i posten, men vi treng noko meir. Denne frivillige kontingenten gjer det mogeleg å senda bladet til alle husstandar i kommunen. Kvart nummer går til omlag 3300 postkassar. Difor er vi frimodige og oppfordrar fleire av dei som mottok bladet til å betala inn kr 250,- pr år til bladet sin girokonto: 3243.05.05202.



Av Steinar Skartland

Ute i hagen min har det teke til å spira og gro, så smått. Snøklokkene er tidleg ute. Dei bryr seg ikkje om at det er kalde netter, når berre vårsola får skina litt. I vårsalmen over alle vårsalmar "No livnar det i lundar", skriver Elias Blix:

Det er vel fagre stunder
når våren kjem her nord
og atter som eit under
nytt liv av daude gror.

Det skjer kvar vår. Om vinteren har vore kald og lang, og bjørka står der brun og svart, så kjem våren som han alltid plar gjera. Frøa som fall frå tre og planter har overvintra i jorda. Nå kjem sola og dei spirer og veks. Snart kjem det brune og mørke til å endra farge og form. Tre, gras og blomar kjem i vekst og vi kan gle oss over det flotte skaparverket. Vi får hug til å syngja og lovprisa eller til å bøya oss ned og stella godt med desse spirene som veks opp.

Det hender at vi menneske opplever mørke dagar. Det kan vera dødsfall og hendingar som går inn på oss. Kanskje det er ei ugreie mellom menneske som gjer det vanskeleg? Kanskje berre dagane blir slik at tunge og vonde tankar fyller sinnet. Då kan det vera godt å ha ei hand å halla i. Nokon som bryr seg. Nokon som har tolmod med ein og ikkje vender ryggen til. Nokon som har tid til å lytta eller berre å vera der. Ikkje gi deg opp, men hjelpa deg til å få attende vona. Så kan ein saman få oppleve våren og sola som kjem attende. Hjelp til å sjå gleda i dei små hendingane i kvardagen, og kan hende stemma i med Blix:

Du vår med ljose dagar,
med lengting, liv og song,
du spår at Gud oss lagar
ein betre vår ein gong.

Påske minner oss på ein annan vår. Han som sigra over døden og stod opp frå grava. For oss. Og ved hans sår har vi fått lekedom. Det er fullbrakt! Ei gáva til kvar som tek imot.



11-årsweekend på Brandøy

4-6. februar var 11-åringar frå Vikebygd, Skjold og Vats saman med jamnaldringar frå Skjoldastraumen og Nedstrand på vinterweekend på Brandøy. Dette var 5. året weekenden ble arrangert, og den har fått svært god oppslutning. Om lag 60 deltakarar og 10 leiarar var med på arrangementet som er eit samarbeid

mellom kyrkjelydane og NMS. Tema for weekenden var "Venner for livet", og på programmet stod både bibeltimar, misjon og sosialt fellesskap med forskjellige aktivitetar.

*Tekst og foto: Martin Ivar Arnesen
Sokneprest*



Instruksjon i bruk av blåserøyr frå Madagaskar.

Konfirmantar: Imsland, Sandeid og Vikedal



Dette årets konfirmanter for Imsland, Sandeid og Vikedal har vore delt opp i grupper: Friluftsgruppe, Sang og musikkgruppe og Diakonigruppe (Konfirmantene veksla på grupper vår og haust).

Diakoniutvalget i Sandeid og Vikedal har i høst og etter jul hatt med seg konfirmanter når vi har vært på besøk på sjukeheimene i Vats, Ølen og Eldrestova i Vikedal. Vi har vært to ganger i Vats, en gang i Ølen og Eldrestova i Vikedal.

Før besøkene hadde vi samlinger for konfirmantene for å planlegge besøkene.

Det har vært to ulike grupper konfirmanter, og det viste seg å bli svært vellykka besøk. Konfirmantene presenterte seg for beboerne på sjukeheimen og eldrestova, og oppdaget at mange av dem

kjente både besteforeldre og foreldrene.

Vi starta besøket med at en fra diakoniutvalget holdt en andakt. Ellers sto konfirmantene for underholdningen med bingo, gåter og konkurranser om å huske sanger/ salmer når en fikk lest opp en linje fra for eks. andre verset. Det var populært. Så hadde vi og bevertning med kaffe, kaker og saft. Konfirmantene oppførte seg veldig fint, det skal de ha ros for!

27 mars skal de være med og delta i familiegudstjeneste og hjelpe til med kirkekaffen i Vikedal.

Takk til alle konfirmantene som deltok, det var en fornøyelse å ha dere med.

For Diakoniutvalget i Sandeid og Vikedal, Elisabeth Guldhav.



Kåre og Målfrid Berge i nærkontakt med Poket-folket i Kenya

Kåre og Målfrid Berge i nærkontakt med misjonen i Kenya

På rundtur i Afrika nyleg møtte me Målfrid og Kåre Berge frå Ølen. Dei var i Kenya for å finna spor etter norsk bistands- og misjonsarbeid. Me møtte dei då dei var innom bibelsenteret i Kapenguria som er base for arbeidet i vest Pokot der Misjonssambandet starta opp arbeid 1979, men no har trekt seg ut. Her oppe på høgsletta inne mellom høge fjellparti, bur eit fattig folkeslag med svært primitive buforhold.

Kåre Berge fortel at det dei såg gjorde sterkt inntrykk. I dei knapt 30 åra misjonen dreiv arbeid i Pokot-distriktet, har dei med hjelp av norsk bistandsmidlar bygd mange skular og kyrkjer som har gitt folket eit sosialt og åndeleg løft. I

Kapenguria vart det bygd bibelsenter for utdanning av evangelistar og pastorar. Alt dette arbeidet er no overlevert til den lokale lutherske kyrkja, men enno får dei litt hjelp frå Norge til fagleg rettleiing og undervisning.

Elleve tusen er blitt døypte i Pokot-distriktet desse åra, og tjue tusen står på ventelista for å bli døypt når dei har fått dåpsopplæring. Misjonsfolket i Norge har fått vore med på noko stort, seier Kåre Berge oppglødd over det dei fekk sjå.

Men fattigdommen er framleis stor. Det kosta 2.500.- kroner å halda ein elev på vidaregåande skule i ett år. Og legehjelp og sjukehusopphald må dei betala sjøl.

Mange har ikkje desse pengane, og må gi opp utan å få nødvendig hjelp.

Saman med Kåre og Målfrid Berge møtte me også pionermisjonærane Magni og Bjarne Taranger frå Bømlo. Det var dei som saman med andre starta nybrottsarbeid i Pokot-distriktet: Chesta og Kapenguria på 1970- og 80-talet. Magni som ofte er tilbake i Kenya, hadde med gaver som ho delte ut til dei mest trengjande som ho hadde fått frå skuleklassar og vanlege folk i lokalsamfunnet heime i Norge. Det var rørende å vera vitne til den gleda som fløynde over då hjelpa nådde heilt fram. Slik hjelp er med på å kveikja lys og tørka tårer.

Gerhard Vik

Konfirmantweekend på Brandøy



Den årlage konfirmantweekenden for Skjold, Vats og Vikebygd fann stad på Brandøy 18-20.februar. Til saman var vi over 45 konfirmantar og leiarar samla til undervisning og sosialt fellesskap, lek og alvor.

Basar og dugnad på Sandeid Bedehus!

Styret i Sandeid Bedehus takker for god støtte til gevinster, gjennomføring og deltakelse på bedehusbasaren 2010. Basaren som ble avholdt i slutten av november samlet store og små. Foruten utlodning av masse fine gevinster og servering, underholdt 3-4 klasse på Sandeid Skule med sanginnslag. Basaren samlet inn nesten 40 000.- kroner som skal brukes til aktiviteter, drift og vedlikehold.

Det pågår for tiden omfattende oppussing og vedlikehold innvendig og utvendig på bedehuset. Innvendig skal det males og utvendig skal taket på tilbygget renoveres grunnet omfattende lekkasjeskader. Foruten god dugnadsinnsats av bygdefolket har det også vært foretatt kronerulling som innbrakte sårt tiltrengte midler for å ruste opp bedehuset for fremtidig bruk.

Styret vil med dette takke alle hjertelig takk for bidragene i form av gevinster, pengegaver og dugnadsinnsats.

For styret, Margun D. Stople




Misjonssambandet: Krinsar blir til regionar

Norsk Luthersk Misjonssamband (NLM) har til no vore organisert med krinsar med eigne styrar. I det siste er det gjennomført store omorganiseringar. Vårt område høyrde til Haugesund krins fram til 31.12.2010. Frå starten av det nye året er det etablert ein større region som omfatter Haugesund og Stavanger krins. Regionen går heilt frå grensa til Vest-Agder og inn til Hardanger og har fått namnet Region Sørvest. Regionleiar er Birger Helland.

NLM Region sørvest, Gulaksveien 4, 4017 Stavanger . Tlf: 51823100, e-post: sorvest@nlm.no, <http://www.nlm.no/no/Norge/sorvest/>

Å vandre under Guds velsigning



Prostidag og Fellesgudsteneste - Imsland 2. juni

Trusvandring kl. 10:00, Gudsteneste kl. 12:00



Livet er ei vandring frå vogge til grav. For den som lever under Guds velsigning, er det ei vandring etter Kristus, og med Han som seier: "Følg meg!"

Kristi Himmelfartsdag; 2. juni i år, ønskjer me å synleggjere dette ved Imsland. År om anna har vi i Nordre Ryfylke prosti (som omfattar kommunane Vindafjord, Suldal og Sauda) tradisjon for å ha ei gudsteneste for heile prostiet. Derfor er alle våre 13 kyrkjelydar hjarteleg velkomne til denne tidlege sommardagen ved Imsland!

Trusvandring i Imsland

Frå kl.10.00 blir det trusvandring –med 6 ulike stasjonar – frå Bygdahuset ved riksvegen – mot Imslandsjøen – der Imsland kyrkje er den 7. stasjonen .

Familiar – unge og eldre blir utfordra til å bli med på denne vandringa. Det blir oppgåver å løysa, for borna, på dei ulike stasjonane.

På vandringa langs elva ned mot Ims-

landsjøen, skal me stanse opp, bruke kroppen og sansane våre og minne oss sjølv og kvarandre på sentrale ting i trua vår og livet vårt. Obs! Ta med sitjeunderlag og spikkekniv!

I ei tid der trusopplæring er ein sentral del av kyrkja sitt arbeid, og sterkt prioritert på alle plan, ynskjer me at denne trusvandringa kan vere ein "forsøksgard" for kyrkjelydane våre: slik det blir gjort i Imsland denne dagen, slik vil me og gjere noko liknande i vårt lokalmiljø.

Kom difor til Imsland denne dagen!

Felles gudsteneste for prostiet

Kl. 12.00 samlast me så i den 150 år gamle Imslanskyrkja. Tema for Kristi Himmelfartsdag i år er nettopp Jesu vel-signing, som Han gav læresveinane sine før Han for til sin himmelske Far (Lukas 24, 46- 53) Då dette er preiketekst for dagen, vil biskop Ole D. Hagesæther også gjere dette til tema for preika si i familie-gudstenesta. La oss fylle kyrkja til siste plass!

Matøkt og foredrag

Etter gudstenesta blir det ei felles matøkt ved Imslandsjøen. Av praktiske grunnar ber me kvar enkelt ta med seg nistepakke og drikke, Mineralvatn, is m.m. vil bli å få kjøpt.-

Biskopen vil så halde eit mini-foredrag, der pilegrimsvandring blir tematisert.

Samla vil denne dagen ta om lag 4-5 timar. Planlegg alt no å delta! Fortel det til andre! Å sjå mange samla frå dei ulike sokna våre, gir oss inspirasjon i arbeidet i Guds rike, og styrkjer fellesskapet mellom oss !

Me vil oppfordre alle som kan, å la bilen stå oppe ved riksvegen og bruke beina dei to kilometrane ned til Imsland-sjøen. Dei som ikkje ynskjer å vere med på trusvandringa, kan gå på bilvegen ned til kyrkja. Det vil bli organisert bilskyss for dei som ikkje er i stand til å gå.

For å spare miljøet, oppfordrar me også folk til å fylle opp bilen og køyre saman denne dagen.

Utvalet for "Pilegrimsarbeid og retreat" i prostiet, har ansvaret for denne dagen. Ingerid Aadland i Ølen, Wenche Nygård og Eirik Moe i Suldal, Sjur Ingvar Holgersen i Sauda er saman med prosten i dette utvalet. Ta gjerne kontakt med ein av oss om det er noko du lurar på.

Ingerid Aadland

Konfirmantar våren 2011

Sandeid 1. mai kl 11.00

Håvard Edvartsen Backlund
Olav Bakkedal Bjelland
Ingelin Staknes Hauge
Tor Andre Helgevold
Bjørn Magne Hårde
Ole Johannes Jansen
Camilla Laugaland Larsen
Kristina Lærdal
Morten Kaldheim
Asbjørn Hustvedt Lærdal
Martin Lærdal
Rasmus Lærdal
Anders Matre
Anders Mattingsdal
Anders Lint Moland
Kristoffer Apeland Stople
Toralf Stople
Torstein Stuhaug
Bjørnar Svantesvoll
Henrik Vestbø Tokheim
Liv Vestbø

Vikedal 8. mai kl 12.00

Ida Marie Andreassen
Thelene Grimaas Bakkedal
Trygve Espevoll
Frida Helgesen
Marianne Seglem Holthe
Katrine Kili
Vidar Langhelle
Vetle E. Seldal
Torstein Lilleland Skjold
Tonje Johannessen Skålnes
Jørgen Solheim
Anna Marie Ekrheim Vikedal

Imsland 15. mai kl 11.00

Anette Imsland Birkeland
Bård Ersland
Mari Ersland
Helge Hummervoll
Sondre Kvaløy
Hanne Øvregård

Vats 7. mai kl 11.00

Bakkevold Nomi Otelie Bang
Gundersen Mona Indreland
Halvorsen Martha
Kalstveit Kristoffer Svantesvold
Kleiven Ruben
Sjørseike Ingrid
Sørhus Eivind
Nordtveit Stina

Vats 8. mai kl 11.00

Fatland Hege
Frøland Martin Velde
Gjerde Bjarte
Hjorteland Kristin
Hustoft Kamilla Eike

Jøtne Sjur-Ola
Krakk Trude
Mballow Celine Aida
Myhre Ragnhild Nesheim
Nesheim Arnt Olav
Tjeltveit Kristoffer

Skjold 14. mai kl 11.00

Eigestad Anna Kristine

Skjold 15. mai kl 12.00

Eide Ola Haraldseid
Eriksen Ingeborg Nonslid
Fjellheim Maria
Holi Erika
Hustoft Dan-Sondre Nesheim
Hustveit Aina
Håvardsen Astrid Helene Nonslid
Krakk Gjertrud
Madsen Aleksander
Nielsen Serina Bratland
Solli Jonathan

Ølen 15. mai kl 11.00

Berge Lill
Berge Renate
Dalen Lars Martin
Eidsheim Daniel
Eikjeland Serine
Ekrheim Kristiane Bråtveit
Fatland Ole
Grindheim Henry
Havsgård Kristin Mosdal
Heggen Henning
Helgesen Kenneth
Hundhammer Magnhild
Hundhammer Astri
Håland Amalie
Lothe Kristian Hellervik
Slåke Anna
Stople Håkon
Øglænd Geir Kvamme
Øverland Vegard Wåge
Øvernes Ole Gunvald

Bjoa 8. mai kl 11.00

Bjørnø Stian Teimann
Knutsen Thea Eikehaugen
Sandsgård Ann Elen
Sandsgård Åshild Vee
Schlanbusch Andreas Mjelde
Sælevik Gaute Toadalen
Torsen Håkon Oma

Vikebygd 22. mai kl 11.00

Ida Dommersnes Einarsen
Markus Erdal Hoel
Bendik Maurangsnes
Marie Mortveit
Ingveig Skartland Svendsbøe
Aslaug Vårvik
Stian Legøy Årvik



*Leiar av orgelnemnda:
Liv Svendsen*

*Orgelkonsulent, professor
Bjørn F. Boysen*



Orgelnemnda



Elin Frøyland takkar Liv Svendsen



Bjørn F. Boysen

Skjold kyrkje har fått eit flott orgel

Tekst og foto: Steinar Skartland

Sundag 27. mars var ein festdag i Skjold kyrkje. Ein dag då det nye og etterlengta orgelet til 3,75 mill. kroner skulle innviast med gudsteneste og konsert. Bjørn F. Boysen, konsertorganist og professor i orgel frå Norges Musikkhøgskole, hadde ære av å framføra den første konserten på dette orgelet.

Ei musikalsk festgudsteneste

Tonane av frå det nye orgelet i samspel med unge Sveinung Kalstveit på trompet, breidde seg ut over kyrkerommet før klokken leia ein prosesjon med alle borna i sundagsskolen. Dei skulle få syngja i denne festgudsteneste. Bakerst kom sokneprest Martin Ivar Arnesen og prost Arne O. Øystese, som hadde talen. Det var Maria bodskapsdag og det høvde godt for prosten å minna om Maria sin lovsong i ei slik gudsteneste der musikk og song fekk stå i sentrum. –Endeleg er kyrkjebygget fullført. Orgelet,

dronninga blant alle instrument og med eit større tonefang enn noko anna, driv oss til lovsong, sa prosten i talen. –Orgelet skal fylgja skjoldabuen, i slektsledd etter slektsledd, i glede og i sorg.

Organistane, Juri og Nelly Kotkovitch delte på både å spela til salmane og å dirigera 'Prosjektkoret' som var etablert i høve innviinga.

Elin Frøyland, leiar i Skjold sokneråd, takka alle som hadde vore med i arbeidet for å få til dette orgelet. Ein formidabel innsats der Liv Svendsen har vore eldsjela som har stått i spissen gjennom 11 år. At bygda har klart å samla inn heile to millionar kroner er ei bragd, ikkje minst med tanke på at dei rett før brannen hadde stått for innsamling av ein million til orgel i den førre kyrkja og. Soknerådsleiaren siterte Liv Svendsen sine ord: – Eg kan ikkje få sagt kor mykje alle har støtta opp med pengar. –Eg har aldri fått eit nei! Og Svendsen stråla som ei sol både då ho mottok lovord for den store innsatsen og då ho delte takk

og gåver til dei danske orgelbyggjarane.

Elin Frøyland takka også alle lag, foreiningar og private som har støtta, og ikkje minst kommunen, som har gjeve 1,5 millionar til orgelet. Heilt i slutfasen av innsamlinga vart nemnda samde om å skaffa midlar til ei ekstra stemme utover det budsjetterte. Også det lukkast.

Orgelkonserten

Bjørn F. Boysen har vore orgelkonsulent og sakkunnig i arbeidet med nytt orgel i Skjold kyrkje. Det var difor naturleg at det var han som skulle få ha den første konserten i kyrkja. Boysen er i dag professor i orgel og han virkar både som utøvar og pedagog. Han er rekna som ein av dei fremste konsertorganistane i landet med turnear både i Noreg og i utlandet. I dag er han organist ved Oslo Konserthus. –Den danske orgelbyggjaren Carsten Lund sitt tilbod var vald både fordi dette var det beste tilbodet og at han hadde eit forslag som passa som hand i hanske med kyrkerommet. Det var det mange

som samtykte i. – Det ser ut som om orgelet alltid har vore der, vart det sagt.

-Talet på stemmer er passande for denne kyrkja, kommenterte Boysen som var svært glad for at den 21. stemma vart vald. -Orgelet er veleigna både til konsertar og til gudstenestebruk.

- Konserten er lagt opp slik at de skal få oppleve ulike måtar å spela på dette orgelet på, sa Boysen i innleiing til konserten. Og gjennom musikkstykkja fekk han både visa oss kor flott eit instrument kyrkja i Skjold er utstyrt med og kor dyktig han er som muskar. Boysen vektla og at eit slik orgel ikkje berre er eit instrument. Her er bygd inn stemmer og tonar som gjer at ein kan spela alle instrument i orkesteret. Konsertprogrammet var samansett med musikk av J.S. Bach, Dieterich Buxtehude, Francois Couperin, Louis Vierne, Niels W. Gade og slutta av med Arild Sandvold sin Toccata over "Din Rikssak Jesus være skal."

Fleire bilete frå innviingsdagen ligg på: www.hyrdingen.no



Prosjektkoret leia av Nelly Kotkovitch syng til orgelmusikk av Juri Kotkovitch

Så kom orgelbruset!

Tekst og foto: Gunnar Listog

Seks skarpskodde organistar av aller ypperste slag fylte kyrkjerommet i Skjold kyrkje med tonar som aldri før har brusa så vakkert, så mjukt, så mørkt eller så ljost som under orgelkonserten 30. april.

"Nabo-organistane" våre, Michel Zelissen, Justin Vickery, Goos ten Napel, tidlegare skjoldaorganist Magne Bokn og våre eigne Juri og Nelly Kotkovitch gav dei om lag 60 frammøtte musikalske opplevingar til å leva lenge på.

Skjoldfolket har fått eit musikalsk klenodium til "vederkvegelse" for sjel og sinn.

Rikholdig konsert

Minikonsertane med dei seks organistane hadde ei rik og mangfaldig spennvidde og femnde frå store 1700-talskomponistar som Bach, Beethoven og Vivaldi til nolevande, moderne komponistar som Arvo Pärt og vår eigen Knut Nystedt.

Dei musikalske godbitane kom som perle etter perle frå det nye, nystemde orgelet, alt frå

"Preludium og Fuge i C-moll" av Bach, "A Ground in Gamut" av Purcell til påskesalma "Påskemorgen slukker



Seks eminente organistar fekk kvar si velfortente rose av soknerådsleiar Elin Frøyland. Frå venstre: Michel Zelissen, Magne Bokn, Goos ten Napel, Justin Vickery, Nelly Kotkovitch og Juri Kotkovitch.

sorgen", som avslutta konserten.

Det var mange nøgde tilhøyrarar som kosa seg med litt svart kaffi og eit lite kakestykke etter den vel timelange konserten.

Konsertorgel

"No har Vindafjord fått eit konsertorgel i ei konsertkyrkje," uttalte ordførar Arne Bergsvåg under orgelinviinga. Her sette han ord på draumen mange her i bygda

har hatt i perioden med ei orgellaus kyrkje. Ikkje berre vil instrumentet heve den vanlege gudstenesta, bryllaupsfeiringa eller gravferdsseremonien, men no er tida komen der musikalske initiativ kan gje musikalske opplevingar for mange, både i og utanfor kommunen. Musikk er balsam for sjel og sinn. Tonar frå det nye orgelet vil gje slik balsam.

Orgelbruskonserten denne kvelden gav dei frammøtte slik "medisin".

Elias Blix - Ei 175-årsmarkering

Stor salmediktar

Dette året er det 175 år sidan salmediktaren Elias Blix vart fødd. Jubileet vert markert på ei rekkje stader i landet,- ikkje minst på heimstaden hans i Gildeskål. I det fylgjande gjev eg eit biografisk riss, samt ein kort omtale av salmeskatten hans,- som uttrykk for mi markering.

Elias Blix er ei av dei store skaparåndene i norsk salmediktingshistorie. Utan tvil toler han å verta nemnd jamsides Magnus Brostrup Landstad. I Nynorsk Salmebok frå 1925 er ikkje mindre enn 110 salmar i originalform komne med frå Blix si hand. I tillegg finn me heile 75 salmar som han har gjendikta. Desse tala er omlag dei same i Landstads reviderte salmebok. Norsk Salmebok har 51 salmar av Blix i originalform og 20 omsette.

Identifikasjon og nærleik

For mange utgjer Blix-salmane diamanthane i den kyrkjelege hymnologien. Særskilt opplever menneske med nær tilknytning til havet, fisket og jordbruket,- ja, til naturen generelt, at dei her møter ein poet som målber tankar og kjensler som lett let seg overføra på tilhøvet til Gud. Dei kvardagslege bileta Blix nyttar frå naturlivet heimanfrå med sol, ljøs, vind og vekslande verlag og straumdrag og dei ulike årstidenes skiftande og mangfaldige fargar, skaper identifikasjon og nærleik. Formidlingsformene er gjennkjennelege, skaper resonans og medfører dermed at sjølv bodskapen lettare når fram. I dette perspektivet skildrar han, samtidig på ein alltid bibelsk fundert måte, kristenlivet i medgang og i motgang, i kvardag og i høgtid, i liv og i død.

Issmeltar

Elias Blix vart fødd 24. februar 1836 på garden Våg i Gildeskål prestegjeld. Mange av dei eldre sa at den 24. februar var St. Mattismesse-dagen. Frå denne tida skulle isen losna frå land, og våren med vokster og von var i vente. Dagen gav dei fyrste varsla om at noko nytt var i emning. Lite visste nok mora til Elias Blix, Margrethe Våg, at han skulle verta litt av ein issmeltar i åndeleg mening. Han skulle verta den som varsla at sommaren i Guds rike var nær.

Trygge oppvekstkår

17. april vart han døypt i Gildeskål gamle steinkyrkje. Far hans døydd då guten berre var 3 år gammal, og Blix

sakna alltid far sin. Sjølv om stefaren, Ole Helgesen, var rettviss og oppofrande for dei alle, opplevde Elias at dei "rette" borna fekk det største hjarterommet. Av den grunn kom han til å kjenna seg sterkt knytt til mor si, som han alle dagar sette høgt. Ho var menneskeleg, nær og varm, samtidig som ho lærde han om Gud og hans nådige nærvere i verk og vande.



Av Harald Eintveit

Naturlivet skapte iderikdom

Som smågut opplevde han mange episodar som sette livet på spel. Juledagsmorgonen 1847 vart det reint ille. Dei hadde fått ny prest om hausten og alle skulle avstad på kyrkjeferd over fjorden. Turen gjekk over Mårnes, Våg og Leikanger (Reidar Bolling: Elias Blix, side 19). Så bryggja det opp til uver med sterkt snøfall. Båten med stefaren og folket hans nådde land, men ikkje båten frå Sør-Arnøy. Snødrevet var tett og dei såg lite framfor seg. Men med det same kyrkjeklokka tok til å ringja, letta det og dei såg hamna. Hendingar som denne gjorde inntrykk på den unge guten. Sikkert er det også at det færefulle nettopp i slike situasjonar var med og gav han inspirasjon til å skildra livsens ville og lunefulle vegar i overført og djupare mening. Men også det fredelige og trygge tilveret i lund og li, skapte iderikdom og bakgrunn for skildringa av livet med Gud, slik me nemnde det innleiingsvis.

Læreår

I 1852 søkte han seg inn på Tromsø lærar-

skule. Tida her vart meningsfylt og rik. Han var ingen tilskodar i det som gjekk føre seg. Levande interessert og engasjert tok han del i både handelsliv, kulturliv og kristenliv. Når det gjaldt det siste, var han med i ei sterk og omseggripande vekking i byen. Elias Blix vart forfærd over kjenslerusen som greip dei vekte. Han innsåg meir og meir at han hadde mest å henta i den kristne arven heimanfrå. Etter nokre år som lærar i Tromsø, kom han i september 1859 til Christiania. Han hadde bestemt seg for å ta examen artium og gå i gang med det teologiske studium og verta prest. Dette målet nådde han. Han tok teologisk embetseksamen i 1866.

Eit NEI med fylgjer

Om sommaren drog han på vitjing til heimbygda si i Nordland. Der vart han teken vel imot. Dei tykte det var gjævt å få vitjing av ein bygdeson som var prestelærd. Helst ville dei høyra han preika i Gildeskål kyrkje. Blix reiste difor over fjorden til soknepresten for å høyra om dette let seg gjera, men soknepresten sa NEI. Han meinte visst det var usømeleg at ein son av ein fattig fiskar og bonde skulle gå opp i rang med ein geistleg embetsmann og preika Guds ord frå preikestolen i kyrkja. Denne hendinga gjorde eit sårt inntrykk på Blix,- og ho kom til å prega heile framtida hans. Med vemod reiste han frå heimbygda si og han kom aldri attende.

Vitskapsmann og professor

Han slo seg ned i Oslo og valde vitskapen,- orientalske språk som livs- og yrkesveg. Han gifte seg i 1871 med Emma Hansen,- ei kvinne av bondeætt frå Høland og saman med henne bygde han opp ein god heim, der dei fekk 9 born. I 1871-73 studerte han i Tyskland og kom så attende til Oslo og vart utnemnd til dosent i semittiske språk ved Universitetet i Oslo. I 1876 tok han den filosofiske doktorgraden. Året etter skipa Stortinget eit ekstraordinært professorat for han.

Statsråd

Blix var også innom politikken. Frå 1884 til 1888 var han kyrkjeminister i Johan Sverdrups riksstyre, før han så vende attende til det store interesseområdet sitt: Språkvitskapen. Han vart frå no av igjen knytt til Universitetet, der han var professor og lærar i hebraisk for teologiske studentar. Denne stillinga hadde han til han døydd i 1902.



Elias Blix

”Mannen i kyrkjebenken”

Elias Blix vart altså aldri prest og forkynt av Ordet i vanleg meining. Han vart «mannen i kyrkjebenken», som biskop Eivind Berggrav har kalla han. I denne posisjonen dikta han mange av salmane sine. Han kjenner kyrkjelyden og veit kva den ber på av anger og sorg, tvil og tru, lov og pris og målber alt dette framfor Gud. Likevel kan han òg stiga fram og med myndige, sterke ord vera formanande, åtvarande og rettleiande. (Sjå t.d. salmen: «Som du dømer, får du dom...». NoS, nr. 699).

Lovsong på nynorsk

Ei sak som gjer Blix-salmane vel omtykte av mange, er at dei er skrivne på nynorsk. Han var faktisk den fyrste nynorske salmediktaren i landet. På ein fest for Elias Blix i Oslo i 1901 gav han uttrykk for kvifor han hadde gått over frå bokmål til nynorsk: ”Eg ville prøva

leggja salmane og Guds ord i det heile inn til hjarta på dei mange av vårt folk, som talar eit målføre som er langt meir nærskyldt med landsmålet enn med bokmålet. Eg ville at også me skulle prøva lovsyngja Krist på vår eigi tunga.”

Framleis aktuell!

Sjølv om han ikkje vart prest, har han nådd lenger ut med Guds Ord gjennom salmane sine enn dei fleste geistlege ved forkynninga si. I kyrkjelydane utover landet vårt er Blix-salmane ofte i bruk i gudstenestene, og budskapen om frelsa i Kristus vert formidla på ein tydeleg og mild måte. Frå plassen sin «i benken» gjev han framleis kunnskap og kjennskap som siktar mot kristen oppbyggjing. Mange er dei kyrkjelydslemer som haustar frukter i form av inspirasjon, oppmuntring og glede gjennom salmane frå Elias Blix, - ad majorem Dei gloriam!

Soknerådsvalet 2011 Frist for innlevering av kandidatlistar m.v.

Nominaasjon av kandidatar til soknerådsvalet skjer i tida fram til 1. mai 2011. Framlegg på kandidatar til soknerådet kan meldast til sokneråda i Imsland, Vikedal, Sandeid, Vats, Skjold, Vikebygd, Bjoa og Ølen v/ leiarane (sjå oversyn s. 2 i Hyrdingen) innan 27. april.

Valføre er medlemmer av Den norske kyrkja som bur i soknet, og som seinast i 2011 fyller 18 år, og som ikkje er frådømt røysteretten i andre offentlege val.

Det er høve til å levere inn alternativ kandidatliste innan fristen 1. mai 2011. Framlegg til kandidatliste skal vere underskriven av 10 røysteføre medlemmer. Ein av underskrivarane skal først opp som kontaktperson. Kandidatar skal vere oppført med fornamn, eventuelt mellomnamn, etternamn og alder, samt adresse og yrke/stilling. Kandidatlista skal ordnast i prioritert rekkefølge (ikkje alfabetisk). Kandidatlistar bør ha minst 40 % representasjon av kvart kjønn, og minst 20 % representasjon av ungdom under 30 år.

Kyrkjevalet finn stad (11.-) 12. september 2011, med førehandsrøysting frå 10. august. Direkte val på leke medlemmer av bispedømerådet finn stad samstundes med soknerådsvalet.

**Kyrkjevalet
2011**

www.kyrkjevalet.no



Born som ikkje går på skule .

Madagaskar

Tekst og foto: Anne Marie Reimers

Ei helsing med takk for hjelpa frå desse borna som nå fekk byrja på skulen i Manakara. Desse borna får også eitt måltid mat midt på dagen. Dette er born av fattige foreldre som ikkje har funne moglegheiter for å sende borna på skule. Dei har nok med å skaffa mat for kvar dag.



Matpause for arbeidarane



Pako sit klar for å skrive namnet på dei som vil byrja på skulen.




Start på bygging.



Skulehuset/barnehage reist





Barnekryssord

VANNRETT

1. Klokke
4. Stengsel
6. De ruller
8. Sprøyter
11. Hånd
12. Lever

LODDRETT

2. Triller
3. Smeltet snø
5. Ordne
6. Skremmeord
7. Ha en kort stund
9. Første kvinne
10. Roald Eriksen



Min song

Herdis Pedersen, Vikedal

Det er mange songar av Trygve Bjerkheim som har vore til hjelp og trøyst for mange med den enkle og jordnære måten han skreiv på.

Songen -Det finst ingen grunn til mismod for deg som på Kristus trur - (Nr 300 i Sangboken) har den siste tida blitt min song. Sjølv om det har vore mest solskinnss dagar i livet mitt, så har det likevel storma innimellom.

For 1 ½ år sidan fekk Henry, mannen min, kreft og død etter eit kort sjukeleie. Samstundes fekk også sonen vår kreftdiagnose. Heldigvis kan vi gleder oss over at han er tilbake i arbeid igjen.

Ein dag etter begravelsen til mannen min så køyrde eg til Haugesund. Eg sat aleine i bilen, sette på ein kasett som låg der. Då kom denne songen av Trygve Bjerkheim som eg lytta til og den gjorde meg så godt der eg sat med mine tankar.

Seinare har dette blitt ein song som har gitt meg gode stunder og trøyst til å gå vidare.

Eg har jo røynd at Vår Herre tar ikkje bort alle problem, men Han fører oss igjennom dei.

*Det fins ingen grunn til mismod for den som på Kristus trur.
Når han fylgjer med på ferda, kvi då ganga trist og stur?*

Kor:

*Det fins ingen grunn til mismod for deg som på Kristus trur!
Det fins ingen grunn til mismod for deg som på Kristus trur*

*Det fins ingen grunn til mismod! Når Gud er din gode Far.
Han alt til det beste vender, Sjølv lagnaden beisk og hard.*

*Det fins ingen grunn til mismod. So ver då frimodig du!
Og la ikkje hjarta ottast! På Gud og på Kristus tru!*

*Det fins ingen grunn til mismod Om bårer mot båten slær.
Når dei vil i kav deg draga, er Jesus med hjelpa nær.*

*Det fins ingen grunn til mismod. So syng då eit takkekvad!
Det lysnar av dag der framme. Ver hugheil, mi sjel, ver glad*

Sokneprest Sigrunn Hagen Arnesen fyller 50 år 2. mai

Vi inviterer til åpent hus i
prestegården i Skjold
2. mai frå kl 14.00.

Sigrunn blir glad for ei gåve til
venner i Ihosy på Madagaskar.

Sigrunn, Martin Ivar og jentene



ANNONSER OG KUNNGJERINGAR

Velkommen til
Lundeneset

Hjemmefra, men ikke alene

Lundeneset VGS er en kristen privatskole i Ølensvåg.
Vi tilbyr Studiespesialisering, Medier og kommunikasjon,
Service og samferdsel og Påbygging til generell studiekompetanse.

HOS OSS FÅR DU KUNNSKAP OG VENNER FOR LIVET!

LES MER PÅ LVS.NO

LUNDENESET VGS
privat skole med kristen etikk

Vi er en
del av

NLMVGS

LUNDENESET VGS
privat skole med kristen etikk

Vi er en
del av

NLMVGS

LUNDENESET VGS
privat skole med kristen etikk

Knapphus
Bil



5576 Øvre Vats Tlf. 52 76 73 10

Knapphus
Dekk & Bilverksted




5576 Øvre Vats Tlf. 52 76 73 12

SpareBank
SR-BANK



GRAVSTEIN



Se vår
store
utstilling,
eller ring
og be om
katalog.

Se også vår hjemmeside:

www.skattkjaer.no

Skattkjær Skiferindustri as

Ørpetveitsvn. 59

tlf. 52 70 42 90

Åpningstider:

Mandag-fredag kl. 07.30-15.30

Torsdag til kl. 18. Lørdag stengt.



KYRKJETUNET

ØLEN BEDEHUS OG KYRKJELYDSSENTER

www.kyrkjetunet.no

April-11

Torsdag 14. kl.10.30 Tripp Trapp

Torsdag 14. kl.19.30 Bibeltime

Tysdag 26. kl.17.30 Barnekor

Tysdag 26. kl.18.30 Klubb

Mai-11

Torsdag 5. kl.11.00 Torsdagstreff

Søndag 8. kl.16.00 F-16

Torsdag 12. kl.10.30 Tripp Trapp

Torsdag 12. kl.19.30 Kvinneforum

Juni-11

Søndag 5. kl.16.00 F-16

Bønnemøte kvar onsdag kl. 20.00.

Nedre Vats Helselag har eldretreff på Vindafjordtunet

Palmesøndag 17. april, kl 15:30.

Andakt v/Bjarne Hjelvik;

Song, kaffekos og utlodning



Vikebygd Landhandel AS

Tlf 53 76 91 69 - Faks 53 76 91 01

E-post: joker.vikebygd@ngbutikk.net



Primærtjenesten Bjoa AS

Rep. av jordbruksredskap
og mek. verksted

TLF. 53 76 97 61

Mobil: 905 42 342 - Fax 53 76 92 80

VIKEDAL

Dåp:

06.03. Torstein Espevoll,
Lasse Bjørnsen Andreassen

Døde:

06.02. Ola Roalkvam f.1914

IMSLAND

Dåp:

11.02. Bård Ersland,
Mari Ersland

Døde:

13.02. Osmund Jakobsen Kvaløy f.1925

SANDEID

Dåp:

06.02. Viktor Tvedt Haarde,
Eirik Halleraker
27.02. Tor Olav Langelid,
Andreas Larsen

Døde:

16.02. Brita Stople f.1922
18.02. Åge Bakkedal f.1963
27.02. Reimund Reime f.1962
16.03. Mary Søndena f.1922

SKJOLD

Døpte:

27.02. Halvar Levi Mangrud

13.03. Emma Strand,
Johanna Frøyland-Utbjo

Døde:

31.01. Karl Frøyland f.1920

VATS

Døpte:

23.01. Sander Hustoft,
Magnus Voll
20.03. Maren Steinnes

Vigde:

29.01. Wenche Rørtveit og Arild Eide

Døde:

06.01. Solveig Thorkildsen f.1921
31.01. Brit Lande f.1923
16.02. Peder Vatne f.1917

ØLEN

Døde:

09.02. Hans Andreas Småbrekke f. 1953
27.03. Trygve Handeland f. 1921

Døpte:

27.02. Liva Bjørnevik
27.02. Leah Dalaker
13.03. Noah Berge
13.03. Dennis Søndena

27.03. Kasper Hustveit
27.03. Ådne Steinsland Halsnes

Vigde:

26.03 Ingeborg Handeland Feed og
Ståle Edvard Reinsnes

BJOA

Døde:

29.01. Berta Romsa f. 1927
23.02. Selma Marie Hjellestad f. 1923
05.03. Hans Kristoffer Hansen f. 1916
22.03. Aase Handeland f. 1921
25.03. Bjørg Hetland f. 1959

Døpte:

06.02. Adrian Bergsvik Knudsen

VIKEBYGD

Døde:

17.03. Elisabeth Ulvebne f. 1906
24.03. Kristine Skartland f. 1921

Døpte:

20.03. Reiar Winterhus Julsrud

MØTER OG KUNNGJERINGAR

Innbjoa bedehus	Bedehusmøter	På onsdagar i oddetalsveker kl. 19.30
	Bønn/samtale songkveld	På onsdagar kl. 18.00 i partalsveker
	Credo for 5.-7.kl.	På torsdagar i oddetalsveker kl. 18-20
Bjoa kyrkje	Øving for barnekoret	Torsdag i oddetalsveker kl. 18-19
Vågen bedehus	søndag 1.5	Friluftsgudsteneste
	onsdag 4.5	Bønnemøte
	søndag 8.5	Møte v/ Aud Vihovde Hoftun Normisjon
	onsdag 11.5	Bønnemøte.
	søndag 15.5	Konfirmasjon
	tysdag 17.5	17.mai fest kl 19.00 Tale v /Arild Markussen
	onsdag 18.5	Bønnemøte
	søndag 22.5	Film kveld
	onsdag 25.5	Bønnemøte
	søndag 29.5	Søndagsmøte
Vikebygd Bedehus	24.-26. juni	Indremisjonen sitt årsmøte i Ølen Idrettshall
	15.4 kl 19:00	Bedehusbasar m/ årsmøte
	16.4 kl 15:30	Laurdagsklubben
	30.4 kl 15:30	Laurdagsklubben
	12.5 kl 11:00	TrippTrapp
	14.5 kl 15:30	Laurdagsklubben i parken



Samtalegudstenester:

27. april kl 19.00 Sandeid kyrkje

(Konfirmantfest etter gudstenesta)

29. april kl 19.00 Vats kyrkje

(Konfirmantfest etter gudstenesta)

4. mai kl 18.00 Vikedal kyrkje

(Konfirmantfest etter gudstenesta)

6. mai kl 19.00 Skjold kyrkje

(Konfirmantfest etter gudstenesta)

11. mai kl 18.00 Imsland kyrkje

(Konfirmantfest etter gudstenesta)

**HVORDAN
HAR DU DET**
egentlig?

 **Kirkens SOS**
815 33 300

ET MENNESKE Å SNAKKE MED
NÅR LIVET ER SOM VERST

Andaktstelefonen

380 91700

Åpent hele døgnet!
Ny andakt tirsdag og fredag

Tjenesten
er gratis

Neste nr. av Hyrdingen kjem ut 9. juni
Stoff kan sendast til:
Hyrdingen, postboks 6, 5574 Skjold.
E-post: redaksjonen@hyrdingen.no
Frist for innlevering av stoff: 21. mai

VELKOMEN TIL GUDSTENESTE

Gudsteneste	Vikedal Prestegjeld	Skjold Prestegjeld	Ølen Prestegjeld
17.april Palmesundag Joh 12,1-13	Sandeid kl 11.00 Familiegudsteneste Takkoffer: Bedehuset Utd. av Tripp-trapp	Skjold kl 11.00 Familiegudsteneste Offer: Sundagsskulekrinsen	Bjoa, Vikestølen kl 13.15 Friluftsgudsteneste. Takkoffer til Utstein pilegrimsgard.
21.april Skjærtorsdag Luk 22,14-20	Vikedal kl 19.00 Høgmesse Nattverd Takkoffer: Ungdom i oppdrag	Vats kl 17.00 Nattverdgdudsteneste Offer: Sjømannskirken Kveldsmat Kårhus bedehus	Ølen kl 19.30 Nattverdgdudsteneste. Takkoffer til Norsk Luthersk Misjonssamband
22.april Langfredag Luk 22,39-23,46	Imsland kl 11.00 Pasjongsgudsteneste Takkoffer: Kirkens Bymisjon, Rogaland	Skjold kl 11.00 Pasjongsgudsteneste "Jesu 7 ord på korset"	Bjoa kl 19.30 Pasjongsgudsteneste. Takkoffer til kyrkjelydsarbeidet.
24.april 1.Påskedag Matt 28,1-8	Sandeid kl 11.00 Høgtidsgudsteneste m/nattverd Takkoffer: Feedback Imsland kl 19.00 Høgtidsgudsteneste m/nattverd Takkoffer: Frelsesarmeen	Vats kl 11.00 Høgtidsgudsteneste m/nattverd. Offer: Normisjon	Ølen kl 11.00 Høgtidsgudsteneste.Takkoffer til Indremisjonssamskipnaden. Vikebygd kl 17.00 Høgtidsgudsteneste.Nattverd. Takkoffer: NLM
1.mai 1.s.e.påske Joh 20,19-31	Sandeid kl 11.00 Konfirmasjonsgudsteneste Takkoffer: Kirkens Bymisjon	Skjold kl 11.00 "Fargerikt fellesskap" Offer til KIA	Ølen kl 12.00 Friluftsgudssteneste Vakadalen Takkoffer:Klubb, Kyrkjjetunet
7.mai		Vats kl 11.00 Konfirmasjon. Offer: Lovsangsheimen i Thailand	
8.mai 2.s.e.påske Joh 10,11-16	Vikedal kl 12.00 Konfirmasjonsgudsteneste Takkoffer: Konfirmantarbeidet	Vats kl 11.00 Konfirmasjon. Offer: Lovsangsheimen i Thailand	Bjoa kl 11.00 Konfirmasjon Takkoffer:Stavanger bispedøme
15.mai 3.s.e.påske Joh 16,16-22	Imsland kl. 11.00 Konfirmasjonsgudsteneste Takkoffer: Konfirmantarbeidet	Skjold kl 12.00 Konfirmasjon. Offer: Barne- og ungdomsarbeidet i kyrkja	Ølen kl.11.00 Konfirmasjon Takkoffer:Kyrkjelydsarbeid
17.mai Grunnlovssdag Luk 1,50-53	Imsland kl 10.00 Takkoffer: Redd Barna Sandeid kl 11.30 Takkoffer: Amnesty international. Vikedal kl 13.00 Takkoffer: Amnesty internati.	Vats kl 10.00 Korpset og Miniklang deltek. Offer: Kirkens Bymisjon Skjold kl 11.30 Korpset og barnekoret deltek. Offer: Kyrkjelyden	Vikebygd kl 10.00 Takkoffer: Kyrkjelydsarbeidet Ølen kl 11.30 Takkoffer:Bibelskolen Bildøy Bjoa kl 11.15 Takkoffer:Kyrkjelydsarbeid
22.mai 4.s.e.påske Joh 16,5-15	Vikedal kl 11.00 Høgmesse Nattverd Takkoffer: KIA	Skjold kl 17.00 G17-gudsteneste. Nattverd. Søndagsskule. Offer: Navigatørane. Kveldsmat	Vikebygd kl 11.00 Konfirmasjon. Offer: Misjonsprosjekt
29.mai 5.s.e.påske Ef 3,14-21	Sandeid kl 11.00 Kystkulturgudsteneste Takkoffer:	Vats kl 11.00 Generasjonsgudsteneste Nattverd. Barnas kyrkjestund. Offer til Misjonshøgskolen	Ølen kl 11.00 Dåp og nattverd. Takkoffer: KRIK
2.juni Kristi himmelfartsdag Luk 24,46-53	Imsland kl 12.00 Familiegudsteneste for heile prostiet. Takkoffer: Retreat- og pilegrimsarbeidet i fylket.		
5.juni 6.s.e.påske Joh 15,26-16,4a	Vikedal kl 11.00 Høgmesse Nattverd Takkoffer: Sundagsskuleforbundet	Vats kl 19.00 Nattverd. Offer: Kyrkjelyden.	Bjoa kl 11.00 Misjonsgudsteneste med representantar for misjonsprosjekt. Takkoffer til misjonsprosjekt. Nattverd

"Lat oss ikkje halda oss borte når kyrkjelyden vår samlast" (Hebr. 10,25)